

# Prava i dužnosti roditelja

Roditelji moraju novorođeno dijete odmah po rođenju prijaviti u matični ured. Kod vjenčanih parova je starateljsko pravo automatski regulisano. Nevjenčani parovi se moraju oko regulisanja sami potruditi.

## Prijava rođenja

Svako novorođenče se mora prijaviti u regionalnom matičnom uredu (Regionales Zivilstandsamt). Pažnja: Koji će matični ured biti nadležan za prijavu djeteta zavisi od mjesta rođenja djeteta, a ne od mjesta prebivališta roditelja. Ako se dijete rodi u bolnici, onda obično bolnička sužba prosljeđuje prijavu nadležnom matičnom uredu. Ukoliko se dijete rodilo kod kuće u tom slučaju su roditelji dužni prijaviti dijete u roku od 3 dana nakon rođenja. Nadležni matični ured daje informacije o tome koji su dokumenti potrebni. Djeca rođena u Švicarskoj ne dobijaju automatski po rođenju švicarsko državljanstvo.

## Priznavanje očinstva

Kada bračni parovi dobiju dijete, suprug se automatski upisuje kao otac djeteta. U slučaju da suprug sumnja da je otac djeteta, on može očinstvo osporavati na sudu. Ako roditelji nisu vjenčani, onda se otac djeteta ne registruje automatski kao otac. On može dijete priznati prije ili poslije njegovog rođenja kod nadležnog Regionalnog matičnog ureda. (Kindeserkennung | Reconnaissance d'enfant). Odbija li otac da prizna očinstvo, majka može tražiti priznanje očinstva na sudu.

## Starateljstvo

Roditelji imaju pravo i dužnost da se brinu za dobrobit svoje djece (elterliche Sorge | Autorité parentale). Ovo uključuje, na primjer, odgoj ili finansijsko izdržavanje. Roditelji zastupaju svoju djecu zakonski do njihove starosti od 18 godina. Roditelji koji žive u zajedničkom braku stiču automatski ista prava i dužnosti u odnosu na dijete. Ako je dijete rođeno u braku, oba roditelja će automatski dobiti ista prava i obaveze. Ukoliko roditelji nisu u braku, otac mora najprije priznati očinstvo. Nakon toga roditelji mogu dobrovoljno dati pismenu izjavu o zajedničkom starateljstvu. To se radi ili zajedno sa priznavanjem djeteta u Regionalnom matičnom uredu ili kasnije kod nadležne Službe za zaštitu djece i odraslih (KESB | APEA) kod Okružnog suda. Ukoliko se nevjenčani roditelji ne mogu usaglasiti oko starateljstva, u tom slučaju odlučuje Služba za zaštitu djece i odraslih. Za dodatna pitanja ili podršku može se obratiti nadležnom savjetovalištu za odgoj djece ili za bračna i porodična pitanja.



## Izdržavanje

Ukoliko roditelji žive odvojeno, oboje su i dalje obavezni da brinu o djetetu (izdržavanje, Unterhalt|Entretien). Zbog toga bi trebali da međusobno regulišu finansijsko izdržavanje kao i preuzimanje brige o djetetu. Naknada za uzdržavanje se dijeli između oca i majke. Da li će i koliko će platiti jedan roditelj, zavisi od konkretne ekonomske situacije i učešća u preuzimanju brige o djetetu. Ako dogovor među roditeljima nije moguć, u tom slučaju je nadležan sud. Ukoliko su roditelji sudski rastavljeni ili razvedeni u tom slučaju će sud odrediti visinu alimentacije. Ukoliko partner, koji treba plaćati ne plati alimentaciju, onda možete zahtijevati pomoć od opštine (Inkassohilfe|aide au recouvrement). Tu se dobivaju savjeti kojim putem da potražujete alimentaciju. Ukoliko se ispunjavaju određeni uslovi, opština može isplaćivati alimentaciju za dijete (Alimentenbevorschussung|Avance des contributions d'entretien).

## Više informacija (linkovi, adrese, brošure, informacioni listovi)

[www.hallo-bern.ch/hr/partnerstvo-i-djeca/prava-i-dunosti-roditeelj](http://www.hallo-bern.ch/hr/partnerstvo-i-djeca/prava-i-dunosti-roditeelj)